

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԳԼԽԱՎՈՐ ՔԱՐՏՈՒՂԱՐ

«04» հոկտեմբեր 2024թ.

No 7/1-Ձ

Ո Ր Ո Շ ՈՒ Մ

«Սերպանտին Ինժինեռինգ» ՍՊԸ-ին գնումների գործընթացին մասնակցելու
իրավունք չունեցող մասնակիցների ցուցակում ներառելու վերաբերյալ

Գնման ընթացակարգի ծածկագիր՝ ՀՀՊԵԿ-ԳՀԽԾՁԲ-24/11

Մասնակից՝ «Սերպանտին Ինժինեռինգ» ՍՊԸ

/ՀՎՀՀ՝ 06938006, գործունեության հասցե՝ ք. Վանաձոր, Մաշտոցի փ. 8/1/

ՀՀ պետական եկամուտների կոմիտեի կարիքների համար Երևան քաղաքի Սասունցի
Դավթի թիվ 87Ա հասցեում գտնվող ՀՀ ՊԵԿ վարչական շենքում վերանորոգման
աշխատանքների կատարման նկատմամբ տեխնիկական հսկողության ծառայությունների
ձեռքբերման նպատակով 10.10.2024թ. հայտարարվել է ՀՀՊԵԿ-ԳՀԽԾՁԲ-24/11 ծածկագրով
գնանշման հարցման ընթացակարգը, որին հայտ է ներկայացրել «Սերպանտին Ինժինեռինգ»
ՍՊԸ-ն: Գնահատող հանձնաժողովը 18.10.2024թ.-ին կայացած նիստում արձանագրել է, որ
«Սերպանտին Ինժինեռինգ» ՍՊԸ-ի կողմից ներկայացված փաստաթղթերը լրացված են
հրավերի պահանջներին ոչ համապատասխան՝ առկա չէ պահանջվող լիցենզիայի
ներդիրներից 08 ներդիրը:

Սահմանված ժամկետում և սահմանված կարգի պահանջներին համապատասխան
«Սերպանտին Ինժինեռինգ» ՍՊԸ-ն ներկայացրել է դիմումը, որով դիմել է ՀՀ
քաղաքաշինության կոմիտե լիցենզիայի ներդիրը ստանալու համար, սակայն չի ներկայացրել
08 ներդիրը, որի հիման վրա գնահատող հանձնաժողովի 22.10.2024թ. թիվ 3 որոշմամբ
կազմակերպության կողմից ներկայացված հայտը համարվել է հրավերի պահանջներին ոչ



համապատասխան և հիմք ընդունելով ՀՀ կառավարության N 526-Ն որոշման 42-րդ կետը հանձնաժողովը մերժել է «Սերպանտին Ինժինեռինգ» ՍՊԸ-ի կողմից ներկայացված հայտը:


1. Եզրահանգում

Վերոնշյալ կարգավորումների համատեքստում անդրադառնալով առկա փաստական հանգամանքներին՝ պետք է արձանագրել, որ ի հակադրություն հրավերի պահանջներին՝ որպես գնման գործընթացի մասնակից հանդես եկած «Սերպանտին Ինժինեռինգ» ՍՊԸ-ն՝ չներկայացնելով հրավերով սահմանված փաստաթղթերը, խախտել է գնման գործընթացի շրջանակում ստանձնած պարտավորությունը, որը հանգեցրել է Պատվիրատուի կողմից գնման գործընթացին «Սերպանտին Ինժինեռինգ» ՍՊԸ-ի հետագա մասնակցության դադարեցմանը:

Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով, այն է՝ Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա, որոշում եմ «Սերպանտին Ինժինեռինգ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում:

11/4/2024



X 

ԷԴԳԱՐ ԳԵՎՈՐԳՅԱՆ

Signed by: GEVORGYAN EDGAR 4010690054

ԷԴԳԱՐ ԳԵՎՈՐԳՅԱՆ

